

## 6. gr.

Gjald fyrir uppsetningu mælis skal vera kr. 5.880 pr. mæli. Mælaleiga skal vera sem hér segir:

40 mm mælir og minni .....	kr. 2 027 pr. ár
50 mm mælir .....	— 3 378 pr. ár
80 mm mælir .....	— 4 053 pr. ár
100 mm mælir .....	kr. 8 107 pr. ár

Gjaldskrá þessi, sem samin er og samþykkt af bæjarstjórn Akraness, staðfestist hér með samkvæmt vatnalögum nr. 15 20. júní 1923 til þess að öðlast gildi þegar í stað.

Jafnframt fellur úr gildi Gjaldskrá fyrir Vatnsveitu Akraness nr. 105 5. apríl 1976.

*Félagsmálaráðuneytið, 18. maí 1978.*

F. h. r.

Hallgrímur Dalberg.

*Hólmfríður Snæbjörnsdóttir.*

## REGLUGERÐ

um breytingu á reglugerð um niðurjöfnun og innheimtu vatnsskatts  
á Hvammstanga nr. 416 31. desember 1973.

## 1. gr.

2. gr. orðist svo:

Húseigandi, sem beiðist tengingar við vatnsæðar vatnsveitunnar, skal leggja fram teikningu af vatnskerfi sínu ef óskað er.

Húseigandi skal einnig greiða tengigjald til vatnsveitunnar áður en tenging fer fram og skal það miðast við rúmmál húss hans að utanmáli. Er gjaldið kr. 31 á hvern rúmmetra húss og er það miðað við vísitölu byggingarkostnaðar 176 stig.

## 2. gr.

3. gr. orðist svo:

Vatnsskatt skal greiða af öllum húseignum á vatnsveitusvæðinu, sem virtar eru til fasteignamats og vatni er veitt í eða næst til vatnsæða frá og nemur hann árlega sem næst 0.15% (0.15 af hundraði) fasteignamats, þ. e. a. s. af mati mannvirkja ásamt mati lóðar. Vatnsskattur skal ekki vera lægri en kr. 5 000 árlega og breytist hlutfallslega jafnt og vatnsskattur sem reiknaður er eftir fasteignamati.

## 3. gr.

3. mgr. 4. gr. orðist svo:

Fyrir tímabundin og sérstök vatnsnot skal greiða, sem hér segir, auk almenns vatnsskatts.

- a. Fyrir vatnsnotkun í sláturhúsum: Á hverja slátraða sauðkind skal greiða kr. 8 á hvern kálf yngri en 6 mánaða kr. 38 en á hvern stórgrip eða alisvín kr. 115.
- b. Vatnsnot við fiskverkun skal greiða með kr. 96 á hverja smálest af innvegnum fiski.

- c. Vatnsnot af mjólkurvinnslu skal greiða með kr. 96 á hverja eitt þúsund lítra af innveginni mjólk.
- d. Greiðsla fyrir önnur vatnsnot, sem ekki eru upptalin í þessari grein skal fara eftir ákvörðun hreppsnefndar.
- e. Fyrir hverja smálest vatns ef selt er eftir mæli kr. 20.
- f. Framantalin gjöld hækki hlutfallslega og vatnsskattur reiknaður eftir fasteignamati.

Reglugerðarbreyting þessi sem er samin og samþykkt af hreppsnefnd Hvamms-  
tangahrepps staðfestist hér með samkvæmt vatnalögum nr. 15 20. júní 1923, til þess  
að öðlast gildi þegar í stað.

*Félagsmálaráðuneytið, 17. maí 1978.*

F. h. r.

**Hallgrímur Dalberg.**

*Hólmfríður Snæbjörnsdóttir.*

30. mars 1978.

Nr. 199.

## AUGLÝSING

### um staðfestingu á aðalskipulagi Seyðisfjarðar.

Samkvæmt skipulagslögum nr. 19 21. maí 1964 hefur ráðuneytið hinn 30. mars  
1978 staðfest aðalskipulagsupprátt fyrir Seyðisfjörð.

Uppdráttur þessi hefur hlotið þá meðferð, sem lög nr. 19/1964 gera ráð fyrir og  
hefur verið samþykktur af bæjarstjórn Seyðisfjarðar og skipulagsstjórn ríkis-  
ins.

*Félagsmálaráðuneytið, 30. mars 1978.*

F. h. r.

**Hallgrímur Dalberg.**

*Hólmfríður Snæbjörnsdóttir.*

22. maí 1978.

Nr. 200.

## REGLUGERÐ

### um breyting á reglugerð um heilbrigðiseftirlit með klakstöðvum og eldisstöðvum, nr. 70/1972.

#### 1. gr.

Við 9. gr. reglugerðarinnar bætist eftirfarandi.

Eigendur eða umráðamenn klak- og eldisstöðva skulu láta fara fram sóttþreinsun  
á öllum nýfrjóvguðum hrognum sem þeir hafa hug á að ala. Sóttþreinsun skal fara  
fram á þann hátt sem Fisksjúkdómanefnd segir fyrir um.

Héraðsdýralæknar eða fulltrúar Fisksjúkdómanefndar sem hún tilnefnir skulu  
líta eftir því að sóttþreinsun fari fram á viðhlítandi hátt. Skulu þeir er eftirlit annast  
láta af hendi vottorð um það strax að verki loknu.